

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE

Bihać, 05.01.2021.godine

Na osnovu člana 140. stav (1) Poslovnika Gradskog vijeća Bihać („Službeni glasnik Grada Bihaća“, broj 03/16 i 4/20), predsjedavajući Gradskog vijeća u svojstvu predlagača prijedloga Odluke o pokretanju procedure i postupku imenovanja na poziciju Sekretara Gradskog vijeća Bihać

ODREĐUJE

I z v j e s t i o c a Handukić Zulfikara, na 3. sjednici Gradskog vijeća i radnim tijelima, po prijedlogu tačke dnevnog reda:

**PRIJEDLOG ODLUKE O POKRETANJU PROCEDURE I POSTUPKU IMENOVANJA
NA POZICIJU SEKRETARA GRADSKOG VIJEĆA BIHAĆ**

Predsjedavajući Gradskog vijeća
Zulfikar Handukić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE
Statutarna komisija

Bihać, 05.01.2021. godine

GRADSKO VIJEĆE
-ovdje-

PREDMET: Prijedlog Odluke o pokretanju procedure i postupku imenovanja na poziciju Sekretara Gradskog vijeća Bihać, - dostavlja se

Na osnovu člana 64. stav (2) tačka c) Poslovnika Gradskog vijeća Bihać („Službeni glasnik Grada Bihać“, broj 03/16 i 4/20), Statutarna komisija, Gradskom vijeću Bihać dostavlja Prijedlog Odluke o pokretanju procedure i postupku imenovanja na poziciju Sekretara Gradskog vijeća Bihać, uz slijedeće

O b r a z l o ž e n j e

Pravni osnov

Pravni osnov za donošenje prijedloga Odluke o pokretanju procedure i postupku imenovanja na poziciju Sekretara Gradskog vijeća Bihać sadržan je u odredbama člana 12. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj 14/17 i 16/17) kojim je propisano da Sekretara s posebnim zadatkom imenuje nadležni organ na osnovu javnog konkursa kojeg provodi posebna komisija u skladu sa propisom organa u kojem se vrši imenovanje.

Pravni osnov za donošenje predložene Odluke sadržan je i u odredbama člana 35. tačka b) Statuta Grada Bihaća, kojom je propisano da Gradsko vijeće u okviru samoupravnog djelokruga donosi Poslovnik o svome radu („Službeni glasnik Grada Bihać“, broj 03/16 i 4/20).

Naime odredbama člana 192. i 193. Poslovnika, propisan je djelokrug poslova sekretara Vijeća i da se postupak postavljenja sekretara Vijeća provodi u skladu sa zakonom.

Razlozi donošenja

Nakon odlaska sekretara Gradskog vijeća u penziju krajem decembra prošle godine, ostalo je upražnjeno radno mjesto Sekretara GV.

Obzirom da je djelokrug poslova Sekretara Vijeća da organizira rad Službe Vijeća i pomaže predsjedavajućem Vijeća u pripremi sjednica i organizovanju rada Vijeća, Kolegija Vijeća i njegovih radnih tijela, neophodno je pristupiti proceduri popune upražnjenog radnog mjesta.

Uzimajući u obzir navedeni pravni osnov, kao i član 6. Odluke o osnivanju Službe za stručne poslove Gradskog vijeća Bihać, kojim je propisano da Službom rukovodi Sekretar Gradskog vijeća, kojeg imenuje Gradsko vijeće, na prijedlog Komisije za izbor i imenovanje, Statutarna komisija je ocijenila da su se stekli uvjeti za donošenje Odluke o pokretanju procedure i postupku imenovanja na poziciju Sekretara Gradskog vijeća Bihać.

Komisija prosljeđuje predloženu Odluku Gradskom vijeću, kako bi o istoj obavilo raspravu i zauzelo konačan stav.

Finansijska sredstva

Za provođenje ove Odluke finansijska sredstva bit će obezbijeđena u Budžetu za 2021. godinu

Predsjednik Komisije
Handukić Zulfikar

Prilog: Odluka

U skladu sa odredbom člana 12 stav (3) Zakona o državnoj službi u Unsko-sanskom kantonu („Službeni glasnik Unsko-sanskog kantona“ broj:14/17 i 16/17), člana 35. tačka b) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Grada Bihać, na _____sjednici, održanoj dana _____ donijelo je:

O D L U K U
o pokretanju procedure i postupku imenovanja
na poziciju Sekretara Gradskog vijeća Bihać

Član 1.

(Predmet odluke i pokretanje procedure)

Ovom Odlukom Gradsko vijeće pokreće proceduru i uređuje postupak za raspisivanje javnog konkursa za imenovanje na poziciju Sekretara Gradskog vijeća Bihać.

Član 2.

(Sekretar Gradskog vijeća)

Sekretar Gradskog vijeća je rukovodeći državni službenik – sekretar sa posebnim zadatkom.

Član 3.

(Raspisivanje javnog konkursa)

- (1) Javni konkurs za imenovanje na poziciju sekretara Gradskog vijeća, u skladu sa ovom Odlukom priprema i objavljuje Komisija za izbor i imenovanje Vijeća (u daljem tekstu: Komisija za izbor) u jednom dnevnom listu koji se distribuiraju na cijeloj teritoriji Bosne i Hercegovine i na službenoj web stranici Grada Bihaća.
- (2) Tekst javnog konkursa sadrži:
 - a) naziv upražnjenog radnog mjesta,
 - b) opće uvjete iz člana 35.Zakona o državnoj službi Unsko-sanskog kantona,
 - c) posebne uvjete utvrđene Pravilnikom o unutrašnjoj organizaciji,
 - d) spisak potrebnih dokumenata, rok i mjesto njihovog podnošenja i
 - e) opis poslova upražnjenog radnog mjesta, koji se objavljuje isključivo na web stranici Grada Bihaća.
- (3) Prijave na Javni konkurs podnose se Komisiji za izbor u roku od osam dana od dana objave u dnevnom listu.

Član 4.
(Rad Komisije)

- (1) Komisija za izbor donosi Poslovnik o radu u kojem će detaljno razraditi provođenje procedure za izbor sekretara Gradskog vijeća Bihac.

Član 5.
(Intervju)

Provjera profesionalnih sposobnosti svakog kandidata pojedinačno vrši se na osnovu znanja koje kandidati pokažu na intervjuu.

Član 6.
(Utvrdjivanje pitanja za intervju i provođenje intervjuja)

- (1) Pitanja na intervjuu mogu se odnositi na radno iskustvo kandidata, njegovu stručnu spremu, kvalifikacije, sklonost kandidata za timski rad i usvajanje novih znanja vezano za određeno radno mjesto, djelatnost organa na koju se javni konkurs odnosi, kao i oblasti državne uprave, državne službe i drugih oblasti koje mogu biti u vezi sa radnim mjestom.
- (2) Intervju ne može biti duži od 30 minuta.

Član 7.
(Postupak imenovanja)

- (1) Po objavljenom usmenom intervjuu Komisija će putem pisane preporuke predložiti Rang listu sa najboljim kandidatima Gradskom vijeću na razmatranje i imenovanje na poziciju sekretara Gradskog vijeća obuhvaćeno procedurom javnog konkursa.
- (2) Smatra se da je kandidat koji je prvi na rang-listi i kojeg je preporučila većina članova Komisije za izbor najuspješnije prošao otvorenu konkursnu proceduru.
- (3) Na poziciju sekretara Gradskog vijeća obuhvaćeno procedurom javnog konkursa, bit će imenovan onaj kandidat sa Rang liste kandidata koji je dobio najveći broj glasova vijećnika u Gradskom vijeću.

Gradsko vijeće
Broj:

Predsjedavajući Gradskog vijeća
Handukić Zulfikar